



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Defensor Redivivus Seu De Sacrae Consistorialis Aulae
Advocatorvm Origine, ac Munere**

**De Rossi, Giuseppe Ortensio
De Rossi, Giacomo Gregorio**

Romae, 1657

25 Praxis proponendae renunciationis Cardinalatus.

urn:nbn:de:hbz:466:1-10678

120 CAPVT

in libro Camerarij fol. 31. in fine,
et à tergo, in principio; pro Du-
ce Mantuæ D. Nicolaus Zam-
beccarius Bononiensis iuxta ad-
notationem eiusdem libri fol.
129. à tergo; pro Principe Mau-
ritio D. Ioseph Bayla Pedemon-
tanus de Ciuitate Montis Rega-
lis. Aduocatus autem depu-
tandus est per Collegium, quam-
uis non detrectet in hoc mo-
rem gerere desiderio Cardina-
lis Renunciantis, ut seruatum
fuit in D. Zambeccario, qui die
24. Octobris 1615. ab ipso Col-
legio deputatus fuit in gratiam
Ducis Mantuæ, ut habetur dicto
libro Camerarij fol. 129. à ter-
go.

25. Praxis * verò hæc est. Ad-
uo-

uocatus Deputatus ut suprà accedit ad locum Consistorij induitus habitu Consistoriali, vñà cum procuratoribus constitutis ad petendum admissionem renunciationis, & cum illis in Consistorium secretum introducitur; ibiquè genuflexus post sedes Cardinalium è conspectu Summi Pontificis, sic orat. Beatissime Pater N. & N. talis Cardinalis apud S. V. oratores, eiusdem Cardinalis Procuratores in solidum hoc legitimo suffulti mandato ad resignandum in manibus S.V. Cardinalatus Dignitatem, habent ad S.V. & ad Sacrum Collegium litteras, quas, humiliter supplicant, ut recipere dignentur, illisque lectis benignè

au-

audire, quæ habent in mandatis.
Postea Procuratores prædicti di-
mitunt litteras in manibus
Summi Pontificis, quæ alta vo-
ce leguntur per Secretarium,
eisdemquè lectis Aduocatus ge-
nusflexus orationem habet, in
qua Summo Pontifici, & Sacro
Cardinalium Senatui exponit
desiderium, & causas renuncia-
tionis prædictæ, & in fine con-
cludit. Hi igitur hic præsentes
prostrati ad pedes S. V. & N.
talis Ecclesiæ S. R. E. Diaconi
Cardinalis Procuratores, eiusquè
nomine, ea qua decet humilitate,
in manibus S. V. dicti Cardina-
latus dignitatem, unà cum omni-
bus præminentijs, honoribus,
privilegijs, insignibus quibuscun-
que

què realiter, & cum effectu, purè, liberè, & simpliciter dimittunt, resignant, & renunciant, nec non regimini, & administrationi dictæ Ecclesiæ N. eodem nomine cedunt, S.V. humiliter, & instantissimè supplicant, ut admissionem, resignationem, renunciationem, & cessionem prædictas grato animo excipiendo dignetur admittere, sibique iuramenta quæcunque per eum præstata ratione dignitatis Cardinalatus, & præfatæ, aliarumquè quaruncunque Ecclesiarum; quibus adhunc usque diem præfuit relaxare, ac quacunque magis opportuna ratione, statui, conscientiæ, & securitati eiusdem Cardinalis prouidere, prout S.V.

ex

ex summa sua prudentia , &
benignitate censuerit expedire .
Quod verò reliquum est Pater
Beatissime N . multis quidem no-
minibus S. V. , & huic S. Sedi A-
postolicæ se adstrictum profitetur ,
sed ad vetera S. V. erga eum offi-
cia , & promerita magnus cu-
mulus accedet , si Sanctitas Vesta
his Reuerendissimis Dominis Affi-
fientibus eum à Cardinalatus mu-
nere , ut sperat , absoluerit , &
ut in altera vocatione , ad quam
eum Deus vocat diù , feliciterque
versari possit , suam sibi bene-
dictionem impertinerit . Absoluta
oratione Summus Pont. annuit ,
& admittit renunciationem de
consensu omnium Cardina-
lium præsentium , & vocantur
duo

duo Prothonotarii participantes, ut de hoc actu se rogent; quam historiam, & orationis formam per extensum refert
Paris. dicto lib. 8. quæst. 4.

Plerumquè etiam contingit, quod ab Oratoribus Principum, vel aliis habendus sit sermo in Consistorio secreto ad Summum Pont., & Sacrum Cardinalium Senatum, qui pariter habendus est ab uno ex septem Aduocatis Senioribus; nullus * enim præter illos ex immemorabili consuetudine admittitur ad loquendum cum Sanctissimo in Consistorio secreto; quod nostra ætate bis accidit, semel tempore Sixti V. cum oratores Regis Catholicci fuerunt admissi, ut nomi-